

بالخيم ونّه هالعطش فتننا جيب إلينا الماي وارجع بالعجل يا بو فاضل بيك علگنا الأمل

اعيوننه غارت والمنية بيها لاحت
ذابل و دالبع لسانه وأمه ناحت
جت إله بعطف الأمومة بجفها جاست
صدره والدكات حسّت چن تلاشت
منخطف كلبه حالته صعبه

بالعطش عبدالله گرب للأجل يا بو فاضل بيك علگنا الأمل

طبّت اعليهم رقية و تطلب الماي
گطرة اميّه اريد اتفتت احشاي
گامت ابهمها الرباب وذاهلة الراي
بلوى لتزيديني يمه فوگ بلووي
زيّد الأمي طفلي الظامي

خلي زينب تنتخي بخوها البطل يا بو فاضل بيك علگنا الأمل

شالت بجفها أخوها للعقيله
عمة ما بطّل أخويه من عويله
نظرتة الحورا ودمع منها تسيله
خاننا نكصد للذي هوّة كفياله
سكنة شافتهم و لنهها تبعتهم

كصدوا العبّاس والدمع استهل يا بو فاضل بيك علگنا الأمل

نابض ابعّاس عرّك الهاشميه
وصاح عد عيناچ يا أختي الزچيه
لنزل ابجودي لشاطي العلكميه
وأربعة آلاف مو صعبة عليه
اعتلى بمهره مد لهم نظره
شاهد ابعين العقيلة شكّد وجل يا بو فاضل بيك علگنا الأمل

صوّل ابي سيفه البدر غيم الأعداي
راية الأسلام منها النور بادي
صاح (أنا العباس) من يبرز؟ ينادي
(لا أهاب الموت) منّ الله مدادي
من بدا اهجومه عجزت اخصومه
زاد عزمه من سمع وكّت الحمل يا بو فاضل بيك علگنا الأمل

جبل عالي وما وصل واحد صروحه
واليجيله بخزرة تطلع منها روجه
وبرغم كثر العدا وغدر اليلوحه
چان جلب الماي أولى من جروحه
للنهر حدّر بالظمه اتصبر
ما شرب لمن ذكر حال الأهل يا بو فاضل بيك علگنا الأمل

ملا جوده و راد إلى الخيمات يرجع
بالمكيدة خسفوا أنواره اللي تسطع
بتروا اچفوفه وسهم للجود كطّع
نبلة بالعين وعمد الهامة بضّع
نادى عذروني يانخيتوني
صاح أبو السجاد عباس انقتل يا بو فاضل بيك علگنا الأمل